

唐

音

統

籤

丙籤五十九李白之十一

唐音統籤卷

一百六十一

五言古詩六

贈從兄襄陽少府皓

結髮未識事所交盡豪雄却秦不受賞救趙寧爲  
功脫身白刃裏殺人紅塵中當朝揖高義舉世欽  
英風小節豈足言退耕春陵東歸來無產業生事  
如轉蓬一朝烏裘敝百鎰黃金空彈劍徒激昂出  
門悲路窮吾兄青雲士然諾聞諸公所以陳片言  
片言貴情通棣華儻不接甘與秋草同

淮海對雪贈傅靄

一作淮南對雪贈孟浩然

朔雪落吳天從風渡溟渤海樹成陽春江沙皓明

月

一本下有飄飄四荒外想像千花  
發瑤草生階墀玉塵散庭闕四句

興從剡溪起

思繞梁園發寄君郢中歌曲罷心斷絕

一本作剡  
溪興空在

郢路歌未歇寄君梁  
父吟曲盡心斷絕

### 贈徐安宜

白田見楚老歌詠徐安宜製錦不擇地操刀良在  
茲清風動百里思化聞京師浮人若雲歸耕種滿  
郊岐川光淨麥隴日色明桑枝訟息但長嘯賓來  
或解頤青槐拂戶牖白水流園池遊子滯安邑懷  
恩未忍辭繫君樹桃李歲晚託深期

贈任城盧主簿

海鳥知天風竄身魯門東  
臨觴不能飲矯翼思凌  
空鍾鼓不爲樂煙霜誰與同  
歸飛未忍去流淚謝  
鵝鴻

早秋贈裴十七仲堪

遠海動風色吹愁落天涯  
南星變大火熱氣餘丹  
霞光景不可迴六龍轉天車  
荆人泣美玉魯叟悲  
匏瓜功業若夢裏撫琴發長嗟  
裴生信英邁崛起  
多才華歷抵海岱豪結交魯朱家  
復携兩少妾艷  
色驚荷花雙歌入青雲但惜白日斜  
窮滇出寶貝

大澤饒龍蛇明主儻見收煙霄路非賒時命若不  
會歸應鍊丹砂

末二句一作知飛萬里道勿使歲寒嗟

贈范金卿二首

君子在清盼不知東走迷離家未幾月絡緯鳴中  
閨桃李君不言攀花願成蹊那能吐芳信惠好相  
招携我有結緣珍久藏濁水泥時人棄此物乃與  
燕石齊據拭欲贈之申眉路無梯遼東慙白豕楚  
客羞山雞徒有獻芹心終流泣玉啼祗應自索漠  
留舌示山妻

范宰不買名絃歌對前楹爲邦默自化日覺冰壺

清百里雞犬靜千廬機杼鳴浮人少蕩析愛客多  
逢迎遊子覩嘉政因之聽頌聲

贈瑕丘王少府

皎皎鸞鳳姿飄飄神仙氣梅生亦何事來作南昌尉  
淸風佐鳴琴寂寞道爲貴一見過所聞操持難  
與群毫揮魯邑訟目送瀛洲雲我隱屠釣下爾當  
玉石分無由接高論空此仰淸芬

贈丹陽橫山周處士惟長

周子橫山隱開門臨城隅連峯入戶牖勝槩凌方  
壺時作白紵詞放歌丹陽湖水色傲溟渤川光秀

月音新集  
菰蒲當其得意時心與天壤俱閑雲隨卷舒安識  
身有無抱石豈獻玉沈泉笑探珠羽化如可作相  
攜上清都

玉真公主別館苦雨贈衛尉張卿二首

愁坐金張館繁陰晝不開空煙迷雨色蕭颯望中  
來翳翳昏墊苦沈沈憂恨催清秋何以慰白酒盈  
吾杯吟咏思管樂此人已成灰獨酌聊自勉誰貴  
經綸才彈劍謝公子無魚良可哀

苦雨思白日浮雲何由卷稷卨和天人陰陽仍驕  
蹇秋霖劇倒井昏霧橫絕巘欲往咫尺塗遂成山

川限漉漉奔溜聞浩浩驚波轉泥沙塞中途牛馬  
不可辨饑從漂母食閑綴羽陵簡園家逢秋蔬藜  
藿不滿眼蠟蛸結思幽蟋蟀傷福淺厨竈無青煙  
刀机生綠蘚投筋解鷓鴣換酒醉北堂丹徒布衣  
者慷慨未可量何時黃金盤一斛薦檳榔功成拂  
衣去搖曳滄洲傍

翰林讀書言懷呈集賢院內諸學士

晨趨紫禁中夕待金門詔觀書散遺帙探古窮至  
妙片言苟會心掩卷忽而笑青蠅易相點白雪難  
同調本是疎散人屢貽編促誦雲天屬清朗林壑



憶遊眺或時清風來閑倚簷

一作

下嘯巖光桐廬

豁謝客臨海嶠功成謝人間

一作

從此一投釣

贈韋秘書子春

此詩世本自徒爲風塵苦以下另作一首今從宋本合之

谷口鄭子真躬耕在巖石高名動京師天下皆籍籍斯文竟不起雲卧從所適苟無濟代心獨善亦何益惟君家世者偃息逢休明談天信浩蕩說劍紛縱橫謝公不徒然起來爲蒼生秘書何寂寂無乃羈豪英且復歸碧山安能戀金闕舊宅樵漁地蓬蒿已應沒却顧女几峯胡顏見雲月徒爲風塵苦一官已白鬚氣同萬里合訪我來瓊都披雲覩

青天捫蝨話良圖留侯將綺季出處未云殊終與  
安社稷功成去五湖

贈韋侍御黃裳二首

太華生長松亭亭凌霜雪天與百尺高豈爲微颺

折桃李賣陽豔路人行且迷春光掃一作拂地盡碧

葉成黃泥願君學長松慎勿作桃李受屈不改心

然後知君子

見君乘驄馬知上太行道此地果摧輪全身以爲  
寶我如豐年玉棄置秋田草但勗冰壺心無爲歎  
衰老

贈薛校書

我有吳趨曲無人知此音姑蘇成蔓草麋鹿空悲吟  
未誇觀濤作空鬱釣鼇心舉手謝東海虛行歸故林

贈何七判官昌浩

有時忽惆悵匡坐至夜分平明空嘯咤思欲解世  
紛心隨長風去吹散萬里雲羞作濟南生九十誦  
古文不然拂劍起沙漠收竒勲老死阡陌間何因  
揚清芬夫子今管樂英才冠三軍終與同出處豈  
將沮溺群

讀諸葛武侯傳懷贈長安崔少府叔封昆季  
漢道昔云季羣雄方戰爭霸圖各未立割據資豪  
英赤伏起顏運卧龍得孔明當其南陽特隴畝躬  
自耕魚水三顧合風雲四海生武侯立岷蜀壯志  
吞咸京何人先見許但有崔州平余亦草間人頗  
懷拯物情晚途值子玉華髮同衰榮託意在經濟  
結交爲弟兄毋令管與鮑千載獨知名既云州平  
不得復云  
子玉况又云管鮑乎或謂余子玉不如改爲之子  
則管鮑亦不妨用是則然但青蓮政不如此拘拘  
耳

贈崔侍郎

黃河二尺鯉本在孟津居點額不成龍歸來伴凡

魚故人東海客一見借吹噓風濤儻相因

今本作見更

欲凌崑墟

一本此下有何當赤車使再往召相如二句

### 贈參寥子

白鶴飛天書南荆訪高士五雲在峴山果得參寥

子

京房占候四方有大雲五色賢人隱其下

骯髒辭故園昂藏入君門

天子分玉帛百官接話言毫墨時灑落探玄有奇

作著論窮天人千春秘麟閣長揖不受官拂衣歸

林巒余亦去金馬藤蘿同所攀相思在何處桂樹

青雲端

贈饒陽張司戶燧

朝飲蒼梧泉夕棲碧海煙寧知鸞鳳意遠託椅桐  
前慕蘭豈曩古攀嵒是當年愧非黃石老安識子  
房賢功業嗟落日容華棄祖川一語已道意三山  
期着鞭蹉跎人間世寥落壺中天獨見遊物祖探  
元窮化先何當共攜手相與排冥筌

贈清漳明府

我李百萬葉柯條布中州天開青雲羅日爲蒼生  
憂小邑且割雞大刀佇烹牛雷聲動四境惠與清  
漳流絃歌詠唐堯脫落隱簪組心和得天真風俗

猶太古牛羊散阡陌夜寢不扃戶問此何以然賢  
人宰吾土舉邑樹桃李垂陰亦流芬河堤繞綠水  
桑柘連青雲趙女不冶容提籠晝成群綠絲鳴機  
杼百里聲相聞訟息鳥下階高卧披道帙蒲鞭桂  
簷枝示耻無撲扶琴清月當戶人寂風入室長嘯  
無一言陶然上皇逸白玉壺冰水壺中見底清清  
光洞毫髮皎潔照群情趙北美佳政燕南播高名  
過客覽行謠因之誦德聲

贈臨洛縣令浩弟

自注時被  
訟停官

陶令去彭澤茫然太古心大音自成曲但奏無絃

琴釣水路非遠連鰲意何深終期龍伯國與爾相  
招尋

鄴中贈王大

一作鄴中王大勸入  
高鳳石門山幽居

一身竟無託遠與孤蓬征千里失所依復將落葉  
并中途偶良朋問我將何行欲獻濟時策此心誰  
見明君王制六令海塞無交兵壯士伏草間沈憂  
亂縱橫飄飄不得意昨發南都城紫燕櫪下一作  
嘶青萍匣中鳴投軀寄天下長嘯尋豪英耻學瑯  
琊人龍蟠事躬耕富貴吾自取建功及春榮我願  
執爾手爾方達我情相知同一已豈惟弟與兄抱



子弄白雲琴歌發清聲臨別意難盡各希存令名  
贈盧徵君昆弟

明主訪賢逸雲泉今已空二盧竟不起萬乘高其  
風河上喜相得壺中趣每同滄洲卽此地觀化游  
無窮水落海上清龍背觀方蓬與君弄倒景携手  
凌星虹

贈新平少年

韓信在淮陰少年相欺凌屈體若無骨壯心有所  
憑一遭龍顏君嘯咤從此興千金答漂母萬古其  
嗟稱而我竟何爲寒苦坐相仍長風入短袂內手

如懷冰故友不相恤新交寧見稔推殘檻中虎羈  
繼鞫上鷹何時騰風雲搏擊申所能

贈嵩山焦鍊師

并序

嵩丘有神人焦鍊師者不知何許婦人也又云  
生於齊梁時其容貌可稱五六十常胎息絕穀  
居少室盧遊行若飛倏忽萬里世或傳其入東  
海登蓬萊竟莫能測其往也余訪道少室盡登  
三十六峯聞風  
有寄 翰遙贈

三室凌青天三花含紫烟中有蓬海客宛疑麻姑  
仙道在喧莫染跡高想已綿時餐金鸞藥

文苑作  
金鸞藥

屢讀青苔篇八極恣遊憩九垓長周旋下瓢酌新  
水舞鶴來伊川還歸空山上獨拂秋霞眼蘿月掛

朝鏡松風鳴夜絃  
潛光隱嵩嶽  
鍊魄棲雲幄  
霓裳何飄颻

一作  
菱鞋

鳳吹轉  
緜邈願同西王母  
下顧東方朔  
紫書儻可傳  
銘骨誓相學

贈張公洲革處士

列子居鄭圃  
不將衆庶分  
革侯遁南浦  
常恐楚人聞  
抱甕灌秋蔬  
心閑遊天雲  
每將瓜田叟  
耕種漢水濱  
時登張公洲  
入獸不亂群  
井無桔槔事  
門絕刺繡文  
長揖二千石  
遠辭百里君  
斯爲真隱者  
吾黨慕清芬

秋日鍊藥院鑷白髮贈元六兄林宗

木落識歲秋，瓶冰知天寒。桂枝日已綠，拂雪凌雲  
端。弱齡接光景，矯翼攀鴻鸞。投分三十載，榮枯同  
所歡。長吁望青雲，鑄白坐相看。秋顏入曉鏡，壯髮  
凋危冠。窮與鮑生賈，饑從漂母餐。時來拯天人，道  
在豈吟歎。樂毅方適趙，蘇秦初說韓。卷舒固在我，  
何事空摧殘。

書情贈蔡舍人雄

嘗高謝太傅

一作嘗聞謝安石

攜妓東山門，楚舞醉碧雲。

吳歌斷清猿，暫因蒼生起。謔笑安黎元，余亦愛此  
人。丹霄冀飛翻，遭逢聖明主。敢進興亡言，娥眉積

讒妬魚目嗤瓊璫

今本無以上二句

白璧竟何辜青蠅遂

成冤一朝去京國十載客梁園猛犬吠九關殺人  
憤精蒐皇穿雪冤枉白日開昏氛大階得夔龍桃  
李滿中原倒海索明月凌山采芳蓀愧無橫草功  
虛負雨露恩跡謝雲臺閣心隨天馬轅夫子王佐  
才而今復誰論層鷗振六翮不日思騰翥我縱五  
湖棹煙濤恣崩奔夢釣子陵湍英芬一作風緬猶存  
徒一作彼希容星隱弱植不足援千里一作回首萬里  
一長歌黃鶴不復來清風愁柰何舟浮瀟湘月山  
倒洞庭波投汨笑古人臨濠得天和閑時田畝中

搔背牧鷄鵝別離解相訪應在武陵多

憶襄陽舊遊贈濟陰馬少府巨

昔爲大堤客曾上山公樓開窓碧嶂滿拂鏡滄江  
流高冠佩雄劍長揖韓荊州此地別夫子今來思  
舊遊朱顏君未老白髮我先秋壯志恐蹉跎功名  
若雲浮歸心結遠夢落日懸春愁空思羊叔子墮  
淚峴山頭

末二句一作何時共  
攜手更醉峴山頭

訪道安陵遇蓋還爲余造真籙臨別留贈

清水見白石仙人識青童安陵蓋夫子十歲與天  
通懸河與微言談論安可窮能令二千石撫背驚

神聰揮毫贈新詩高價掩山東至今平原客感激  
慕清風學道北海仙傳書葉珠宮丹田了玉闕白  
日思雲空爲我草真籙天人慙妙工七元洞豁落  
八角輝星虹三災蕩璿璣蛟龍翼微躬舉手謝天  
地虛無齊始終黃金滿高堂答荷難克充下笑世  
上士沈寃北羅鄴昔日萬乘墳令

4蓬贈信

若可重寶此輕華嵩

舊注七元者北斗七元星  
豁落者所謂豁落斗也三

真經曰五方真炁之精凝結成文八角垂芒或爲  
雲象之形或成走獸之狀所謂八角輝星虹也王  
格曰羅鄴山在北方癸地周迴三萬里高二千  
六百里是爲六天鬼神之宮人死者皆至其中

贈崔郎中宗之

時宗之謫官金陵故有此贈

霜好鳥集珍木高才列華堂時從府中歸絲管儼  
成行但苦隔遠道無由共銜觴江北荷花開江南  
楊梅鮮挂席拾海月乘風下長川多沾新豐醪滿  
載刻溪船中途不遇人直到爾門前大笑同一醉

取樂平生年

一本作太伯讓天下仲雍揚波薛瑄風蕩萬古跡與星辰高開吳食東溟

陸氏世英髦多君秉古節傲立冠人曹風流少年時京洛事遊遨腰間延陵劍王帶明珠袍我昔聞雞徒連延五陵豪遊遊相組織呵嚇來煎然君開萬叢人鞍馬皆辟易告憑清臺脫余北門厄間辛江鳴邑剪棘樹華堂時從府中歸絲管儼成好鳥集珍木高才列華堂時從府中歸絲管儼成行但苦隔遠道無由共銜觴江北荷花開江南楊梅熟正好飲酒時懷賢在心口掛席拾海月乘風下長川多沾新豐醪滿載刻溪船中途不遇人直到爾門前大笑同一醉取樂平生年



贈從孫義興宰銘

天子恩茂宰天枝得英才朗然清秋月獨出映吳  
臺落筆生綺繡操刀振風雷曩屈雖百里鵬騫望  
三台退食無外事琴堂向山開淥水寂以閑白雲  
有時來河陽富奇藻彭澤縱名杯所恨不見之猶  
如仰昭回元惡昔滔天疲人散幽草驚川無活鱗  
舉邑罕遺老誓雪會稽耻將奔宛陵道亞相素所  
重投刃應桑林獨坐傷激揚神融一開襟絃歌欣  
再理和樂醉人心蠹政除害馬傾巢有歸禽堂漿  
候君來聚舞共謳吟農夫棄篲立蠶女墜纓簪歡

笑相拜賀則知惠愛深

自注云亞相李公重之以能政中丞李公免罷以移

官

歷職吾所聞稱賢爾爲最化洽一邦上名馳三

江外峻節貫雲霄通方堪遠大能文變風俗好客  
留軒蓋他日一來遊因之巖光瀨

### 草創大選贈柳官迪

天地爲橐籥周流行太易造化合元符交媾騰精  
鬼自然成妙用就知其指的羅絡四季間絲微無  
一隙日月更出沒雙光豈云隻姘女乘河車黃金  
充轅軛執樞相管轄摧伏傷羽翮朱鳥張炎威白  
虎守本宅相煎成苦老銷鑠凝津液髮髯明窻塵

死灰同至寂，擣冶入赤色。十二周律曆，赫然稱大

還與道本無隔。

參同契云：歲月將欲終，毀性傷壽。年形體爲灰土狀，若明窓塵擣冶。

并合之馳入赤色門，又云周旋十二節，節盡更須親色轉，更爲紫赫，然成還丹。白日可撫

弄清都在咫尺，北鄴落死名南斗。上生藉抑予是

何者，身在方士格，才術信縱橫。世途自輕擲，吾求

仙棄俗君曉損，勝益不向金闕遊。思爲玉皇客，鸞

車速風電，龍騎無鞭策。一舉上九天，相攜同所適。

贈崔司戶文昆季

雙珠出海底，俱是連城珍。明月兩特達，餘輝傍照  
人。英聲振名都，高價動殊鄰。豈伊箕山故，特以風

期親惟昔不自媒，擔簦西入秦。攀龍九天上，忝列  
歲星臣。布衣侍丹墀，密勿草絲綸。才微惠渥重，讒  
巧生緇磷。一去已十年，今來復盈旬。清霜入曉髻，  
白露生衣巾。側見淥水亭，開門列華茵。千金散義  
士，四坐無凡賓。欲折月中桂，持爲寒者薪。路傍已  
竊笑，天路將何因。垂恩儻丘山，報德有微身。

贈溧陽宋少府陟

李斯未相秦，且逐東門兔。宋玉事襄王，能爲高堂  
賦。常聞淥水曲，忽此相逢遇。掃灑青天開，豁然披  
雲霧。葳蕤紫鸞鳥，巢在崑山樹。驚風西北吹，飛落

南溟去早懷經濟策特受龍顏顧白玉棲青蠅君  
臣忽行路人生感分義貴欲呈丹素何日清中原  
相期廓天步

戲贈鄭深陽

陶令日日醉不知五柳春素琴本無絃澆酒用葛  
巾清風北窻下自謂羲皇人何時到栗里一見平  
生親

贈僧崖公

昔在朗陵東學禪白眉空大地了鏡徹迴旋寄輪  
風攬彼造化力持爲我神通晚謁太山君親見日

沒雲中夜卧山月拂衣逃人群投余金仙道曠却  
未始聞冥機發天光獨朗謝垢氛虛舟不繫物觀  
化遊江濱江濱遇同聲道崖乃僧英說法動海嶽  
遊方化公卿手秉玉麈尾如登白樓亭微言注百  
川疊疊信可聽一風鼓群有萬籟各自鳴啟閉八  
窻牖託宿掣電霆自言歷天台搏壁躡翠屏凌兢  
石橋去恍惚入青冥昔往今來歸絕景無不經何  
日更携手乘杯向蓬瀛

遊溧陽北湖亭望瓦屋山懷古贈同旅

一作贈孟

浩然

朝登北湖亭遙望瓦屋山天清白露下始覺秋風  
還遊子託主人仰觀眉睫間目色送飛鴻邈然不  
可攀長吁相勸勉何事來吳關聞有貞義女振窮  
溧水灣清光了在眼白日如披顏高墳五六墩翠  
兀棲猛虎遺跡翳九泉芳名動千古子胥昔乞食  
此女傾壺漿運開展宿憤入楚鞭平王凜冽天地  
間聞名若懷霜壯夫或未達十步九太行與君拂  
衣去萬里同翱翔

贈秋浦柳少府

秋浦舊蕭索公庭人吏稀因君樹桃李此地忽芳

菲搖筆望白雲開簾當翠微時來引山月縱酒酣  
清暉而我愛夫子淹留未忍歸

望九華贈青陽韋仲堪

本九子山自改爲九華賦詩見聯句內

昔在九江上遙望九華峯天河挂綠水秀出九芙蓉  
我欲一揮手誰人可相從君爲東道主於此卧  
雲松

遊水西簡鄭明府

天宮水西寺雲錦照東郭清湍鳴迴谿綠水遶飛閣  
涼風日瀟灑幽客時憩泊五月思貂裘謂言秋  
霜落石蘿引古蔓岸筍開新籜吟翫空復情相思



唐詩新集  
爾佳作鄭公詩人秀逸韻宏寥廓何當一來遊  
我雪山諾

贈王判官時余歸隱居廬山屏風疊

昔別黃鶴樓蹉跎淮海秋俱飄零落葉各散洞庭  
流中年不相見蹭蹬遊吳越何處我思君天台綠  
蘿月會稽風月好却遶剡谿迴雲山海上海上出人物  
鏡中來一度浙江北十年醉楚臺荆門倒屈宋梁  
苑傾鄒枚若笑我誇誕知音安在哉大盜割鴻溝  
如風掃秋葉喜非濟代人且隱屏風疊中夜天中  
望憶君思見君明朝拂衣去永與海鷗群

在水軍宴贈幕府諸侍御

永王  
軍中

月化五白龍翻飛凌九天胡沙驚北海電掃洛陽  
川虜箭雨宮闕皇輿成播遷英王受廟畧秉鉞清  
南邊雲旗卷海雪金戟羅江烟聚散百萬人弛張  
在一賢霜臺降群彥水國奉戎旃繡服開宴語天  
人借樓船如登黃金臺遙謁紫霞仙卷身編蓬下  
冥機四十年寧知草間人腰下有龍泉浮雲在一  
決誓欲清幽燕願與四座公靜談金匱篇齊心戴  
朝恩不惜微軀捐所冀旄頭滅功成追魯連

贈武十七諤

并序

門人武諤深於義者也質木沈悍慕要離之風  
潛釣川海不數數於世間事聞中原作難西來  
謁余余愛子伯禽在魯許將冒胡  
兵以致之酒酣感激援筆而贈

馬如一匹練明日過吳門乃是要離客西來欲報  
恩笑開燕七首拂拭竟無言狄犬吠清洛天津成  
塞垣愛子隔東魯空悲斷腸猿林回棄白璧千里  
阻同奔莊子林回棄千金之璧負赤子而趨君爲我致之輕齋涉淮  
源精誠合天道不愧鄧攸寬

贈閻丘宿松

阮籍爲太守乘驢上東平剖竹十日間一朝風化  
清偶來拂衣去誰測主人情夫子理宿松浮雲知

古城掃地物莽然秋林百草生飛鳥還舊巢遷人  
返躬耕何慙宓子賤不減陶淵明吾知千載後却  
掩二賢名

丙籤五十九李白之十二 唐音統籤卷一百六十二

五言古詩七

贈張相鎬二首

時逃難在宿松山作

神器難竊弄天狼窺紫宸六龍遷白日四海暗胡  
塵昊穹降元宰君子方經綸澹然養浩氣歛起持  
大鈞秀骨象山嶽英謀合鬼神佐漢解鴻門生唐  
爲後身擁旄秉金鉞伐鼓乘朱輪虎將如雷霆總  
戎向東巡諸侯拜馬首猛士騎鯨鱗澤被魚鳥悅  
令行草木春○智不失時建功及良辰醜虜安足  
紀可贖慟與巾倒瀉溟海珠盡爲入幕珍馮異獻

赤伏鄧生倏來臻庶同昆陽舉再覩漢儀新昔爲  
管將鮑中奔吳隔秦一生欲報三百代期榮親其  
事竟不就哀哉難重陳卧病古松山蒼茫空四鄰  
風雲激壯志枯槁驚常倫聞君自天來目張氣益  
振亞夫得劇孟敵國空

一作定

無人捫蝨對桓公願

得論悲辛大塊方噫氣何辭鼓青蘋斯言儻不

歸老漢江濱

本家隴西人先爲漢邊將功略蓋天地名飛青雲  
上苦戰竟不侯當年頗惆悵世傳崆峒勇氣激金  
風壯英烈遺厥孫百代神猶王十五觀奇書作賦

凌相如龍顏惠殊寵麟閣憑天居

一作侍從承明廬

晚途

未云已蹭蹬遭讒毀想像晉末時崩騰胡塵起衣  
冠陷鋒鏑荆棘生朝市石勒窺神州劉聰劫天子  
撫劍夜吟嘯雄心日千里誓欲斬鯨鯢澄清洛水  
六合灑霖雨萬物無彫枯我揮一杯水自笑何區區  
因人耻成事貴欲决良圖滅虜不言功飄然向蓬壺  
惟有安期鳥留之滄海隅

獄中上崔相渙

胡馬渡洛水血流征戰場千門閉秋景萬姓危朝  
霜賢相燮元氣再欣海縣康台庭有夔龍列宿粲

成行羽翼三元聖發輝兩太陽應念覆盆下雪泣  
拜天光

繫尋陽上崔相渙二首

邯鄲四十萬同日陷長平能廻造化筆或冀一人  
生

毛遂不墮井曾參寧殺人虛言誤公子投杼感慈

親白璧雙明月方知一玉真

葛洪西京雜記曰昔魯有兩曾參趙有兩

毛遂南曾參殺人見捕人以告北曾參母母以見疑野人毛遂墮井而死客告平原君君曰嗟乎天喪予矣既而知野人毛遂非平原君客也

贈劉都使



東平劉公幹南國秀餘芳一鳴卽朱轂五十佩銀  
章飲水事戎幕衣錦華水鄉銅官幾萬人歸訟清  
玉堂吐言貴珠玉落筆迴風霜而我謝明主衝裏  
投夜郎歸家酒債多門客聚成行高談滿四座一  
日傾千觴所未竟無惜鬻馬欲摧藏主人若不顧  
明發釣滄浪

贈常侍御

安石在東山無心濟天下一起振橫流功成復瀟  
灑大賢有卷舒季業輕風雅匡復屬何人君爲知  
音者傳聞武安將氣振長平瓦燕趙期洗清周秦

傳宗社登朝若有言爲訪南邊賈

經亂離後天恩流夜郎憶舊遊書懷贈江夏

韋太守良宰

天上白玉京十二樓五城僊人撫我頂結髮受長  
生誤逐世間樂頗窮理亂情九十六聖君浮雲柱  
虛名天地賄一擲未能忘戰爭試涉霸王略將期  
軒冕榮時命乃大謬棄之海上行學劍翻自哂爲  
文竟何成劔非萬人敵文竊四海聲兒戲不足道  
五噫出西京臨當欲去時慷慨淚沾纓歎君個儻  
才標舉冠群英開筵引祖帳慰此遠徂征鞍馬若

浮雲送余騾騎亭歌鐘不盡意  
白日落昆明十月到幽州  
戈鋌若羅星君王棄北海  
楊地借長鯨呼吸走百川  
蕪然可摧頌心知不得語  
却欲棲蓬瀛誇弧懼天狼  
挾矢不敢張攬涕黃金臺  
呼天哭昭土無人貴駿骨  
驟耳空騰驥樂毅儻再生  
于今亦奔亡蹉跎不得意  
驅馬還貴鄉逢君聽絃歌  
肅穆坐華堂百里獨太古  
陶然卧羲皇徵樂昌樂館  
開筵列壺觴賢豪間青娥  
對燭儼成行醉舞絳綺席  
清歌繞飛梁歡娛未終朝  
秩滿歸咸陽祖道擁萬人  
供帳遙相望一別隔千里  
榮枯異炎涼炎涼幾

度改九土中橫潰漢甲連胡兵沙塵暗雲海草木  
摧殺氣星辰無光彩白骨成丘山蒼生竟何罪函  
關壯帝居國命懸哥舒長戟三十萬開門納兇渠  
公卿如犬羊忠讜醢與菹二聖出遊豫兩京遂丘  
墟帝子許專征秉旄控強楚節制非桓文軍師擁  
羆虎人心失去就賊勢騰風雨惟君固房陵誠節  
冠終古僕卧香爐頂餐霞漱瑤泉門開九江轉枕  
下五湖連半夜水軍來潯陽滿旌旄空名適自誤  
迫脅上樓船徒賜五百金棄之若浮煙辭官不受  
賞翻謫夜郎天夜郎萬里道西上令人老掃蕩六

合流仍爲負霜草日月無偏照何由訴蒼昊良牧  
稱神明深仁恤交道一忝青雲客三登黃鶴樓顧  
懸欄處士虛對鷓鴣洲樊山朝氣盡寥落天地秋  
江帶峨眉雪川橫三峽流萬物此中來連帆過揚  
州送此萬里目曠然散我愁紗帽倚天開木樹綠  
如髮覩日畏衡山促酒喜得月吳娃與越艷窮窵  
誇鉛紅呼來上雲梯含笑出儼櫂對客小垂子羅  
衣歸來溪宿曉請休息主人情未極覽君荆山作  
江鮑其動色清水出芙蓉天然去雕飾逸興橫素  
襟每時不相尋朱門擁虎士列戟何森森寒擊竹

石闕噴流瀉清深  
聲傳擊水聞吐輪  
舞英音片隳  
黃白壁一潔  
輝黃金湖  
我不佩  
藉青鳥  
問君心  
五色雲間鴻  
飛鳴天上  
東傳聞  
教書至  
却放  
放郎  
翅  
煖氣變  
離谷  
炎  
燄  
生死  
以君  
登鳳池  
去忽  
棄  
賈  
生  
才  
策  
犬  
尚  
吠  
堯  
旬  
奴  
笑  
千  
秋  
中  
夜  
四  
五  
歡  
常  
爲  
大  
國  
憂  
旂  
旆  
夾  
兩  
山  
黃  
柯  
當  
中  
流  
連  
鷗  
不  
得  
進  
飲  
馬  
空  
矣  
猶  
實  
得  
君  
善  
射  
一  
箭  
落  
旄  
頭

博平鄭太守自隴山千里相尋入江夏北市  
門見訪却之武陵立馬贈別

大梁貴公子  
集蓋蒼梧雲  
若無三千客  
誰道信陵

君救趙復存魏英威天下聞邯鄲能屈節訪博從  
毛薛夷門得隱淪而與侯生親仍要鼓刀者乃是  
袖槌人好士不盡心何能保其身多君重然諾意  
氣遙相託五馬入市門金鞍照城郭都忘虎竹貴  
且與荷衣樂去去桃花源何時見歸軒相思無終  
極腸斷朗江猿

贈王漢陽

天落白玉棺王喬辭葉縣一去未千年漢陽復相  
見猶乘飛鳧尚識仙人面鬢髮何青青童顏皎  
如練吾曾弄海水清淺嗟三變果恹麻姑言時光

速流電與君數杯酒可以窮歡宴白雲歸去來何  
事坐交戰

贈盧司戶

秋色無遠近出門盡寒山白雲遙相識待我蒼梧  
間借問盧耽鶴西飛幾歲還

流夜郎半道承恩放還兼欣尅復之美書懷  
示息秀才

黃口爲人羅白龍乃魚服得罪豈怨天以愚陷網  
目鯨鯢未剪滅豺虎屢翻覆悲作楚地囚何由秦  
庭哭遭逢二明主前後兩遷逐去國愁夜郎投身



竄荒谷半道雪屯蒙曠如鳥出籠遙欣尅復羨光  
武安可同天子巡劍閣儲皇守扶風揚袂正北辰  
開襟攬羣雄胡兵出月窟雷破關之東左掃因右  
拂旋收洛陽宮迴輿入咸京席卷六合通叱咤開  
帝業手成天地功大駕還長安兩日忽再中一朝  
讓寶位劍璽傳無窮愧無秋毫力誰念矍鑠翁弋  
者何所慕高飛傳鴻棄劍學是砂臨爐雙玉童  
寄言息夫子歲晚陟方蓬

贈別舍人弟臺卿之江南

去國客行遠還山秋夢長梧桐落金井一葉飛銀

林覺罷攬明鏡鬢毛颯已霜良圖委蔓草古貌成  
枯桑欲道心下事時人疑夜光因爲洞庭葉飄落  
之瀟湘令弟經濟士出門見我傷

一作謫居  
見我傷

潛蚪

隱尺水著論談興亡云見王子喬口傳不死方入  
洞過天地登真朝玉皇吾將撫爾背揮手遂翱翔

一作揮手

凌蒼蒼

### 醉後贈王歷陽

書禿千兔毫詩裁兩牛腰筆蹤起龍虎舞袖拂雲  
霄雙歌二胡姬更奏遠清朝舉酒挑朔雪從君不  
相饒

贈歷陽褚司馬時此公爲稚子舞故作是詩  
非堂千萬壽侍奉有光輝先同稚子舞更着老萊  
衣因爲小兒啼醉倒月下歸人間無此樂此樂世  
中稀

贈宣城宇文太守兼呈崔侍御

白若白鷺鮮清如清唳蟬受氣有本性不爲外物  
遷飲水箕山上食雪首陽巔迴車避朝歌掩口去  
盜泉岩堯廣成子倜儻魯仲連卓絕二公外丹心  
無間然昔攀六龍飛今作百鍊鉛懷恩欲報主投  
佩向北燕彎弓綠弦開滿月不憚堅閒騎駿馬獵

一射兩虎穿迴旋若流光轉背落雙鳶胡虜三嘆  
息兼知五兵權鎗鎗突雲將却掩我之妍多逢勦  
絕兒生着祖生鞭撻鞍空矍鑠壯志竟誰宣蹉跎  
復來歸憂恨坐相煎無風難破浪失計長江邊危  
苦惜頽光金波忽三圓時遊敬亭上間聽松風眠  
或弄宛谿月虛舟信泐沿顏公三十萬盡付酒家  
錢興發每取之聊向醉中仙過此無一事靜談秋  
水篇君從九卿來水國有豐年魚鹽滿市井布帛  
如雲煙下馬不作威水壺照清川霜眉邑中叟皆  
美太守賢時時慰風俗往往出東田竹馬數小兒

拜迎白鹿前含笑問使君日晚可迴旋遂歸池上  
酌掩抑清風絃曾標橫浮雲下撫謝眺肩樓高碧  
海出樹古青蘿懸光祿紫霞杯伊昔忝相傳良圖  
掃沙漠別夢繞旌旃富貴日成踈願言杳無緣登  
龍有直道倚玉阻芳筵敢獻繞朝策思同郭泰船  
何言一水淺似隔九重天崔生何傲岸縱酒復談  
玄身爲名公子英才苦速遭鳴鳳托高梧凌風何  
翩翩安知慕群客彈劍拂秋蓮

贈宣城趙太守悅

趙得寶符盛山河功業存三千堂上客出入擁平

原六國揚清風英聲何喧喧大賢茂遠業虎竹光  
南藩錯落千丈松蚪龍盤古根枝下無俗草所植  
唯蘭蓀憶在南陽時始承國士恩公爲柱下史脫  
繡歸田園伊昔簪白筆幽都逐遊蒐持斧冠三  
霜清天北門差池宰兩邑鶚立重飛翮焚香入蘭  
臺起草多芳言夔龍一顧重矯翼凌翔鷄赤縣揚  
雷聲彊項聞至尊驚飈摧秀木跡出道彌敦出牧  
歷三郡所居猛獸奔遷人同衛鶴謬上懿公軒自  
笑東郭履側慙狐白温閒吟步竹石精義忘朝昏  
顛顛成醜士風雲何足論獼猴騎士牛羸馬夾雙

轅願借羲皇景爲人照覆盆溟海不震蕩何由縱  
鵬鷖所期要津日倜儻假騰騫

贈從弟宣州長史昭

淮南望江南千里碧山對我行倦

一作盡

過之半落

青天外宗英佐雄郡水陸相控帶長川豁中流千  
里瀉吳會君心亦如此包納無小大揮筆起風霜  
推誠結仁愛訟庭垂桃李賓館羅軒蓋何意蒼梧  
雲飄然忽相會才將聖不偶命與時俱背獨立山  
海間空老聖明代知音不易得撫劍增感慨當結  
九萬期中途莫先退

於五松山贈南陵常贊府

爲草當作蘭爲木當作松  
蘭秋香風遠松寒不改  
容松蘭相因依蕭艾徒丰茸  
雞與雞並食鸞與鸞  
同枝揀珠去沙礫但有珠相隨  
遠客投名賢真堪寫懷抱  
若惜方寸心待誰可傾倒  
虞卿棄趙相便與魏齊行  
海上五百人同日死  
田橫當時不好賢  
豈傳千古名願君同心人  
於我少留情寂寂還寂寂  
出門迷所適長鋏歸來乎  
一作長劍秋風思歸客

自梁園至敬亭山見會公談陽陽山水兼期



同遊因有此贈

我隨秋風來，瑤草恐衰歇。中途寡名山，安得弄雲  
月。渡江如昨日，黃葉向人飛。敬亭愜素尚，弭棹流  
清輝。水谷明且秀，陵巒抱江城。粲粲吳與史，衣冠  
耀天京。水國饒英奇，潛光卧幽草。會公真名僧，所  
在卽爲寶。開堂振白拂，高論橫青雲。雪山掃粉壁，  
墨客多新文。爲余話幽棲，且述陵陽羨。天開白龍  
潭，月映清秋水。黃山望石柱，突兀誰開張。一作白  
柱，撞星  
漢西陲  
誰開張黃鶴久不來，子安在蒼茫。東南焉可窮，山  
鳥飛絕處。稠疊千萬峯，相連入雲去。聞此期振策

歸來空閉關相思如明月可望不可攀何當移白足早晚凌蒼山且寄一書札令予解愁顏

九域志陵陽山

在宣州仙傳寶子明棄官學道釣得白龍放之於此因名白龍潭後五年龍來迎子明上居陵陽山至百餘年乃得仙又有子安仙人也來就子明二十年一旦忽死葬山下常有黃鶴栖其樹上鳴云子安子安

贈友人三首

蘭生不當戶別是閑庭草風被霜露欺紅榮已先老  
謬接瑤華枝結根君王池顧無馨香美叨沐清風  
吹餘芳若可佩卒歲長相隨

袖中趙匕首買自徐夫人玉匣閉霜雪經燕復歷

其  
事  
竟  
不  
捷  
淪  
落  
歸  
沙  
塵  
持  
此  
願  
投  
贈  
與  
君  
同

急  
難

一作  
歲寒

荆  
卿  
一  
去  
後  
壯  
士  
多  
摧  
殘  
長  
號  
易  
水  
上

爲  
我  
揚  
波  
瀾  
鑿  
井  
當  
及  
泉  
張  
帆  
當  
濟  
川  
廉  
夫  
唯  
重  
義  
駿  
馬  
不  
勞  
鞭  
人  
生  
貴  
相  
知  
何  
必  
金  
與  
錢

慢  
世  
薄  
功  
業  
非  
無  
習  
中  
畫  
譴  
浪

劇  
立  
產  
如  
廣  
費  
匡  
君  
懷  
長  
策  
但  
苦  
山  
北  
寒  
誰  
知  
作

分  
道  
南  
宅

周  
瑜  
推  
道  
南  
大  
宅  
與  
孫  
策

歲  
酒  
上  
逐  
風  
霜  
鬢  
兩  
邊  
白

蜀  
主  
思  
孔  
明  
晉  
家  
望  
安  
石  
時  
人

一作  
來

列  
五  
鼎  
談  
笑

期  
一  
擲  
虎  
伏  
被  
胡  
塵  
漁  
歌  
遊  
海  
濱  
龔  
棄  
恥  
妻

劍  
托  
交  
親  
夫  
子  
秉  
家  
義  
群  
公  
難  
與  
鄰  
莫  
持  
西  
江  
水

空許東溟臣他日青雲去黃金報主人

陳情贈友人

延陵有寶劍價重千黃金觀風歷上國暗許故人  
深歸來挂墳松萬古知其心懦夫感達節壯氣激  
素衿一作壯士鮑生薦夷吾一舉置齊相斯人無  
良朋豈有青雲望臨財不苟取揣一作推分固辭讓

後世稱其賢英風邈難尚論交但若此友道孰云  
喪多君騁逸藻掩映當時人舒文振頽波秉德冠  
髮倫卜居乃此地共井爲比鄰清琴弄雲月美酒  
娛冬春薄德中見捐忽之如遺塵英豪未豹變自

古多艱辛他人縱以踈君意宜獨親柰何成離居  
相去復幾許飄風吹雲霓蔽目不得語投珠莫有  
報按劍恐相拒所思采芳蘭欲贈隔脩一作渚沈  
憂心若醉積恨淚如雨願假東壁輝餘光照貧女

贈從弟列

楚人不識鳳重價求山雞獻主昔云是今來方覺  
迷自居漆園北久別咸陽西風飄落日去節變流  
鶯啼桃李寒未開幽關豈來蹊逢君發花萼若與  
青雲齊及此桑葉綠春蠶起中園日出布穀鳴田  
家擁鋤犁顧余乏尺土東作誰相攜傅說降霖雨

公輸造雲梯羗戎事未息君子悲塗泥報國有長策成功羞執珪無由謁明主杖策還蓬萊他年爾相訪知我在礪谿

贈閻丘處士

賢人有素業乃在沙塘陂竹影掃秋月荷花一作水

落古池閑讀山海經散帙卧遙帷且耽田家樂遂曠林中期野酌勸芳酒園蔬烹露葵如能樹桃李爲我結茅茨

贈僧朝美

水客凌洪波長鯨湧溟海北川隨龍舟噓吸竟安

在中有不死者探得明月珠高價傾宇宙餘輝照  
江湖苞卷金縷褐蕭然若空無誰人識此寶竊笑  
有狂夫了心何言說各勉黃金軀

贈僧行融

梁有湯惠休常從鮑照遊峨眉史懷一獨映陳公  
出卓絕二道人結交鳳與麟行融亦俊發吾知有  
英骨海若不隱珠驪龍吐明月大海乘虛舟隨波  
任安流賦詩旃檀閣縱酒鸚鵡洲待我適東越相  
携上白樓

自代內贈

寶刀截流水無有斷絕時妾意逐君行纏綿亦如  
之別來門前草秋黃春轉碧掃盡更還生萋萋滿  
行跡鳴鳳始相得雄鷲雌各飛游雲落何山一往  
不見歸估客發大樓知君在秋浦梁苑空錦衾陽  
臺夢行雨妾家三作相失勢去西秦猶存一作舊  
歌管淒清聞四鄰曲度入紫雲啼無眼中人女弟  
爭笑弄悲羞淚盈巾一本無以妾似井底桃開花  
向誰笑君如天上月不肯一迴照窺鏡不自識別  
多憔悴深安得秦吉了爲人道寸心

代贈遠



妾本洛陽人，狂夫幽燕客。渴飲易水波，由來多感  
激。胡馬西北馳，香駿搖綠絲。鳴鞭從此去，逐虜蕩  
邊陲。昔去有好言，不言久離別。燕支多美女，走馬  
輕風雪。見此不記人，恩情雲雨絕。啼流玉筋盡，坐  
恨金閨切。織錦作短書，腸隨迴文結。相思欲有寄，  
恐君不見察。焚之揚其灰，手跡自此滅。

用漢樂府語

書懷贈南陵常贊府

歲星入漢年，方朔見明主。調笑當時人，中天謝雲  
雨。一去麒麟閣，遂將朝市乖。故交不過門，秋草日  
上階。當時何特達，獨與我心諧。置酒凌歊臺，歡娛

未曾歇歌動白紵曲舞迴天門月問我心中事爲  
君前致辭君看我才能何似魯仲尼大聖猶不遇  
小儒安足悲雲南五月中頻喪渡瀘師毒草殺漢  
馬張兵奪秦一作雲旗至今西洱河流血擁僵屍將  
無七擒畧魯女惜圍葵咸陽天下樞累歲人不足  
雖有數斗玉不如一盤粟賴得契宰衡持鈞慰風  
俗自顧無所用辭家方未歸霜驚壯士髮淚滿逐  
臣衣以此不安席蹉跎因世違終當滅衛謗不受  
魯人幾

獻從叔當塗宰陽水

金鏡靈六國亡新亂天經焉知高光起自有羽翼  
生蕭曹安峴岬耿賈摧攬捨吾家有季父傑出聖  
代英雖無三台位不借四豪名激昂風雲氣終協  
龍虎精弱冠燕趙來賢彥多逢迎魯連善談笑季  
布折公卿遙知禮數絕常恐不合并惕想結宵夢  
素心久已冥顧慙青雲器謬奉玉樽傾山陽五百  
年綠水忽再榮高歌振林木大笑喧雷霆落筆灑  
篆文崩雲使人驚吐辭又炳煥五色羅華星秀句  
滿江國高才揆天庭宰邑艱難時浮雲空古城居  
人若薙草掃地無纖莖惠澤及飛走農夫盡歸耕

廣漢水萬里長流玉琴聲雅頌播吳越還如太階  
平小子別金陵來時白下亭羣鳳憐客鳥差池相  
哀鳴各拔五色毛意重太山輕贈微所費廣斗水  
澆長鯨彈劍歌苦寒嚴風起前楹月銜天門曉霜  
落牛渚清長歎卽歸路臨川空屏營

經亂後將避地剡中留贈崔宣城

雙鵝飛洛陽五馬渡江徼何意上東門胡雛更長  
嘯中原走豺虎烈火焚宗廟太白晝經天頽陽掩  
餘照王城皆蕩覆世路成奔峭四海望長安頓眉  
竄西笑蒼生疑落葉白骨空相吊連兵似雪山破

敵誰能料我垂北溟翼且學南山豹崔子賢主人  
歡娛每相召胡牀紫玉笛却坐青雲叫楊花蒲州  
城置酒同臨眺忽思剡谿去水石遠清妙雪書天  
地明風開湖山貌悶爲洛生詠醉發吳越調赤霞  
動金光日足森海嶠獨散萬古意閑垂一谿釣猿  
近天上帝人移月邊棹無以墨綬苦來求丹砂要  
華髮長折腰將貽陶公諒

登敬亭山南望懷古贈竇主簿

敬亭一迴首目盡天南端仙者五六人常聞此遊  
盤谿流琴高水石  
姑壇白龍降陵陽黃鶴呼

子安羽化騎日月雲行翼矯

一作鷲

鸞下視宇宙間

四溟空波瀾汰絕目下事從之復何難百歲落半途前期浩漫漫強食不成味清晨起長歎願隨子明去鍊火燒金丹

登梅岡望金陵贈族姪高座寺僧中孚

鍾山抱金陵霸氣昔騰發天開帝王居海色照宮闕羣峯如逐鹿奔走相馳突江水九道來雲端遙明沒時遷大運去龍虎勢休歇我來屬天清登覽窮楚越吾宗挺禪伯

一作吾家道門秀

特秀

一作異

鸞鳳骨

衆星羅青天明

一作朗

者獨有月冥居順生理草木

不剪伐煙炮引薔薇石壁老野蕨吳風謝安展白  
足傲履襪幾宿一下山蕭然忘干謁談經演金偈  
降鶴舞海雪時聞天香來了與世事絕佳遊不可  
得春風惜遠別賦詩留巖屏千載庶不滅

登巴陵開元寺西閣贈衡嶽僧方外

衡嶽有開士五峰秀真骨

用慧可大師  
骨五峰秀出事

見君萬

里心海水照秋月大臣南溟去問道皆請謁灑以  
甘露言清涼潤肌髮明湖落天鏡香閣凌銀闕登  
眺餐惠風心花期啓發

丙籤五十九李白之十三

唐音統籤卷

十一百六

五言古詩八

寄上吳王三首

淮王愛八公携手綠雲中小子忝枝葉亦攀丹桂  
叢謬以詞賦重而將枚馬同何心背淮水東之觀  
土風

坐嘯廬江靜閉聞進玉觴去時無一物東壁挂胡  
牀

英明廬江守聲譽廣平籍灑掃黃金臺招邀青雲  
客客曾與天通出入清禁中襄王憐宋玉願入蘭



臺宮

秋山寄衛尉張卿及王徵君

何以折相贈白花青桂枝月華若夜雪見此令人  
思雖然刻溪興不異山陰時明發懷二子空吟招  
隱詩

安陸白兆山桃花巖寄劉侍御綰

一作春歸  
桃花山

許侍  
御

雲卧三十年好閑復愛仙蓬壺雖冥絕鸞鶴心悠  
然歸來桃花巖得憇雲窓眠對嶺人共語飲潭猿  
相連時昇翠微上邈若羅浮巔兩岑抱東壑一嶂

橫西天樹雜日易隱崖傾月難圓芳草換野色飛  
蘿搖春煙入遠構石室選幽開山田獨此林下意  
杳無區中緣永辭霜臺客千載方來旋篇首六句一作勿采  
紫房談早愛滄溟仙心跡頗相誤世事空徂遷歸來丹巖曲得憇青霞眠

淮南卧病書懷寄蜀中趙徵君蕤

吳會一浮雲飄如遠行客

一作萬里無主人一身獨爲客

功業莫

從就歲光屢奔迫良圖俄棄捐衰疾乃綿劇古琴

藏虛匣長劍挂空壁楚冠懷鉅儀

一作楚懷奏鉅儀

越吟

比莊舄國門遙天外鄉路遠山隔

一作外來恨已久興發思逾積

朝憶相如臺夜夢子雲宅旅情初結緝秋氣方寂

歷風入松下清露出草間  
白故人不可見幽夢誰  
與適寄書西飛鴻贈爾慰離析

寄弄月谿吳山人

嘗聞龐德公家住洞湖水  
終身棲鹿門不入襄陽  
市夫君弄明月滅景清淮裏  
高蹤逸難追可與古  
人比清揚杳莫覩白雲空望美  
待我辭人間攜手  
訪松子

望終南山寄紫閣隱者

出門見南山引領意無限  
秀色難爲名蒼翠日在  
眼有時白雲起天際自舒卷  
心中與之然託興每

不淺何當造幽人滅跡棲絕巖

夕霽杜陵登樓寄韋繇

浮陽一作雲

滅霽景萬物生秋容登樓送遠目伏檻

觀羣峯原野曠超緬關河紛雜一作錯

重清暉映竹

日翠色明雲松蹈海寄遐想還山迷舊蹤徒然迫  
晚暮未果諧心胷結桂空佇立折麻恨莫從思君  
達永夜長樂聞踈鐘

秋夜宿龍門香山寺奉寄王方城十七丈奉  
國瑩上人從弟幼成令問

朝發汝海東暮棲龍門中水寒夕波急木落秋山

空望極九霄近賞幽萬壑通目皓沙上月心清松  
下風玉斗橫網戶銀河耿花宮興在趣方逸歡餘  
情未終一作咫尺世喧鳳駕憶王子虎谿懷遠公  
桂枝坐銷歇棣華不復同流恨寄伊水盈盈焉可  
窮

沙丘城下寄杜甫

我來竟何事高卧沙丘城城邊有古樹日夕連秋  
聲魯酒不可醉齊歌空復情思君若汶水浩蕩寄  
南征

聞丹丘子於城北營石門幽居中有高鳳遺

跡僕離羣遠懷亦有棲遁之志因叙舊以寄  
之

春華滄江月秋色碧海雲離居盈寒暑對此長思  
君思君楚水南望君淮山北夢蒐雖飛來會面不  
可得疇昔在嵩陽同衾卧義皇綠蘿笑簪綬丹壑  
賤巖廊晚途各分析乘興任所適僕在鴈門關君  
爲峨眉客心懸萬里外影滯兩鄉隔長劍復歸來  
相逢洛陽陌陌上何喧喧都令心意煩迷津覺路  
失託勢隨風翻以茲謝朝列長嘯歸故園故園恣  
閑逸求古散縹帙久欲尋名山婚嫁殊未畢人生

信多故世事豈惟一念此憂如焚悵然若有失聞  
君臥石門宿昔契彌敦大從桂樹隱不羨桃花源  
高風起遐曠幽人跡復存松風清瑤瑟谿月湛芳  
樽安居偶佳賞丹心期此論

淮陰書懷寄王宗成

沙墩至梁苑二十五長亭大舶夾雙檣中流鵝鸕  
鳴雲天掃空碧川嶽涵餘清飛鳧從西來適與佳  
興并眷言王喬烏媿變故人情復此親懿會而增  
交道榮沿洄且不定飄忽悵徂征暝投淮陰宿欣  
得漂母迎斗酒烹黃雞一餐感素誠子爲楚壯士

不是魯諸生有德必報之千金恥爲輕  
繕書羈孤意遠寄棹歌聲

月夜江行寄崔員外宗之

飄飄

一作飄飄

江風起蕭颯海樹秋登艫美清夜挂席

移輕舟月隨碧山轉水合青天流杳如星河上但  
覺雲林幽歸路方浩浩徂川去悠悠徒悲蕙草歇  
復聽菱歌愁岸曲迷後浦沙明瞰前洲懷君不可  
見望遠增離憂

宿白鷺洲寄楊江寧

朝別朱雀門暮棲白鷺洲波光搖海月星影入城



樓望美金陵宰如思瓊樹憂徒令覓入夢翻覺夜  
成秋綠水解人意爲余西北流因聲玉琴裏蕩漾  
寄君愁

新林浦阻風寄友人

潮水定可信天風難與期清晨西北轉薄暮東南  
吹以此難挂席佳期益相思海月破圓景菰蔣生  
綠池昨日北湖梅開花已滿枝今朝東門柳夾道  
垂青絲歲物忽如此我來定幾時紛紛江上雪草

草客中悲明發新林浦空吟謝朓詩

一本題作金陵阻風雪書

懷寄楊江寧云潮水定可信天風難與期清晨西  
北轉薄暮東南吹以此難挂席沿河頗淹遲使索

金陵書又叨賢宰知絃歌止過客惠化聞京師歲  
物忽如此我來復幾時紛紛江上雪草草客中悲  
明發新林浦  
空吟謝眺詩

北山獨酌寄韋六

巢父將許由未聞買山隱道存跡自高何憚去人  
近紛吾下茲嶺地閒喧亦泯門橫羣岫開水鑿泉  
泉引屏高而在雲竇深莫能準川光晝昏凝林氣  
夕淒繁於焉摘朱果兼得養玄牝坐月觀寶書拂  
霜弄瑤軫傾壺事幽酌顧影還獨盡念君風塵遊  
傲爾令自哂

一本此下有安知世上  
人名利空齏齏二句

寄當塗趙少府炎

晚登高樓望木落雙江清寒山饒積翠秀色連州  
城目送楚雲盡心悲胡鴈聲相思不可見迴首故  
人情

獨酌清谿江石上寄權昭夷

我攜一樽酒獨上江祖石自從天地開更長幾千  
尺舉盃向天笑天迴日西照永願坐此石長垂巖  
陵釣寄謝山中人可與爾同調

禪房懷友人岑倫時南遊羅浮兼泛桂海自  
春徂秋不返僕旅江外書懷寄之

嬋娟羅浮月搖豔桂水雲美人竟獨往而我安能

羣一朝語笑隔萬里歡情分沈吟綵霞沒夢寐瓊  
芳歇歸鴻度三湘遊子在百粵邊塵染衣劍白日  
彫華髮春氣變楚關秋聲落吳山草木結悲緒風  
沙淒苦顏竭來已永久頽思如循環飄飄一作飄飄限  
江裔想像空留滯離憂每醉心別淚徒盈袂坐愁  
青天末出望黃雲蔽目極何悠悠梅花南嶺頭長  
空滅去鳥水濶無還舟寶劍終難託金囊非易求  
歸來儻有問桂樹山之幽

下尋陽城汎彭蠡寄黃判官

浪動灌嬰井尋陽江上風開帆入天鏡直向彭湖

東返景照踈雨晴雲散遠空名山發佳興清賞亦  
何窮石鏡掛遙月香鑪滅彩虹相思俱對此舉目  
與君同

書情寄從弟邠州長史昭

自笑客行久我行定幾時綠楊已可折攀取最長  
枝翩翩弄春色延佇寄相思誰言貴此物意厚重  
瓊蕤昨夢見蕙連朝吟謝公詩東風引碧草不覺  
生華池臨翫忽云夕杜鵑夜鳴悲懷君芳歲歇庭  
樹落紅滋

流夜郎永華寺寄尋陽羣官

朝別凌煙樓賢豪滿行舟暝投永華寺賓散予獨  
醉願借九江流添成萬行淚寫意寄廬嶽何當來  
此地天地有所懸安得苦愁思

一本以暝投句爲  
第二賢豪句爲第

三似  
誤

### 流夜卽至西塞驛寄裴隱

揚帆借天風水驛苦不緩平明及西塞已先投沙

伴迴巒引羣峯橫感楚山斷礫披水切衝萬壑會震

沓百川滿龍怪潛淇披俟一作時救災旱我行望

雷雨安得沾枯散鳥去天路長人悲一作春光短

空將澤畔吟寄爾江南管

江夏寄漢陽輔鐸事

誰遣此水廣狹如一匹練江夏黃鶴樓青山漢陽  
縣大語猶可聞故人難可見君草陳琳檄我書魯  
連箭報國有壯心龍顏不迴眷西飛精衛鳥東海  
何繇填鼓角徒悲鳴樓船習征戰抽劍步霜月夜  
行空庭徧長吁結澤雲埋沒顧榮扇他日觀軍容  
投壺接高宴

江上寄巴東友人

漢水波浪遠巫山雲雨飛東風吹客夢西落此中  
時覺行思白帝佳人與我遠瞿塘饒賈客音信莫

令稀

江上寄元六林宗

霜落江始寒，楓葉綠未脫。  
客行悲清秋，永路苦不達。  
滄波渺川汜，白石隱天末。  
停棹依林巒，驚猿相叫聒。  
夜分河漢轉，起視溟漲濶。  
涼風何蕭蕭，流水鳴活活。  
浦沙淨如洗，海月明可掇。  
蘭交空懷思，瓊樹詎解渴。  
勗哉滄洲心，歲晚庶不奪。  
幽賞頗自得，興遠與誰豁。

宣州九日聞崔四侍御與宇文太守遊敬亭  
余時登響山不同此賞醉後寄崔侍御



九日茱萸熟插鬢傷早白登高望山海滿目悲古

昔遠訪投沙人因爲逃名

一作名山

容故交竟誰在獨

有崔亭伯重陽不相知載酒任所適手持一枝菊

調笑二千石日暮岸幘歸傳呼隘阡陌彤襜雙白

鹿賓從何輝赫夫子在其間遂成雲霄隔良辰與

美景兩地方爲擲晚從南峯歸蘿月下水壁却登

郡樓望松色寒轉碧咫尺

一作望美

不可親棄我如遺

鳥

涇谿南藍山下有落星潭可以卜築余泊舟

石上寄何判官昌浩

藍岑竦天壁突兀如鯨額奔感橫澄潭勢吞落星  
石沙帶秋月明水搖寒山碧佳境宜緩棹清輝能  
留客恨君阻歡遊使我自驚惕所期俱卜築結茅  
鍊金液

早過漆林渡寄萬巨

西經大藍山南來漆林渡水色倒空青林煙橫積  
素漏流借委翕沓浪競奔注潭落天上星龍開水  
中霧巉巖注公柵突兀陳焦墓嶺峭紛上千川明  
屢迴顧因思萬夫子解渴同瓊樹何日覩清光相  
歡詠佳句

注公疑左公隋末左難當築城柵  
拒輔公祐于涇與大藍山相近

遊敬亭寄崔侍御

一作登古城望  
府中寄崔侍郎

我家敬亭下，輒繼謝公作。  
相去數百年，風期宛如昨。  
登高素秋月，下望青山郭。  
府中鴻鸞羣，飲啄自鳴躍。  
夫子雖蹭蹬，瑤臺雪中鶴。  
獨立窺浮雲，其心在寥廓。  
時來顧我笑，一飯葵與藿。  
世路如秋風，相逢盡蕭索。  
腰間玉具劍，意許無遺諾。  
一作願爲經冬栢不遂天

霜落壯士不可輕相期，在雲閣。

自金陵泝流過白壁山翫月達天門寄句容

王主簿

滄江泝流歸白壁，見秋月秋月照白壁，皓如山陰。

雪幽人停宵征賈客忘早發進帆天門山迴首牛  
渚沒川長信風來日出宿霧歇故人在咫尺新賞  
成胡越寄君青蘭花惠好庶不絕

秋浦寄內

我今尋陽去辭家千里餘結荷倦水宿却寄大雷  
書雖不同辛苦愴離各自居我自入秋浦三年北  
信疎紅顏愁落盡白髮不能除有客自梁苑手攜  
五色魚開魚得錦字歸問我何如江山雖道阻意  
合不爲殊

秋浦感主人歸燕寄內

霜凋楚關木始知殺氣嚴寥寥金天廓婉婉綠紅  
潛胡燕別主人雙雙語前簷三飛四迴顧欲去復  
相瞻豈不戀華屋終然謝珠簾我不及此鳥遠行  
歲已淹寄書道中歎淚下不能緘

在尋陽非所寄內

聞難知慟哭行啼入府中多君同蔡琰流淚請曹  
公知登吳章嶺昔與死無分崎嶇行石道外折入  
青雲相見若悲歎哀聲那可聞

寄東魯二稚子

在金陵作

吳地桑葉綠吳蠶已三眠我家寄東魯誰種龜茲

田春事已不及江行復茫然南風吹歸心飛墮酒

樓前

本事詩白於任城造酒樓與同志曰荒宴其上卽此

樓東一株桃枝葉

拂青煙此樹我所種別來向三年桃今與樓齊我

行尚未旋嬌女字平陽有弟與齊肩雙行桃樹下

折花倚桃邊折花不見我淚下如流泉

一作嬌女字平陽折

花倚桃邊折花不見我淚下如流泉小兒名伯禽與姊亦齊肩雙行桃樹下撫背復誰憐念此失次

第肝腸日憂煎裂素寫遠意因之汝陽川

### 江行寄遠

剡木出吳楚危樅百餘尺疾風吹片帆日暮千里  
隔別時酒猶在已爲異鄉客思君不可得愁見江

水碧

寄遠九首

三鳥別王母銜書來見過腸斷若翦絃其如愁思  
何遙知玉牕裏纖手弄雲和奏曲有深意青松交  
女蘿寫水落井中同泉豈殊波秦心與楚恨皎皎  
爲誰多

青樓何所在乃在碧雲中寶鏡挂秋水

一作月

羅衣

輕春風新妝坐落日悵望金屏空念此送短書願  
因雙飛鴻

本作一行書殷勤道相憶一行復一行滿紙情何

極瑤臺有黃鶴爲報音樓人朱顏凋落盡白髮一  
何新自知未應還離居經三春桃李今若爲當牕  
發光彩莫使香風飄宮取紅芳待

玉筯落春鏡坐愁湖陽水聞與陰麗華風煙接鄰  
里青春已復過白日忽相催但恐飛花晚令人意  
已摧相思不惜夢日夜向陽臺

遠憶巫山陽花明淶江緩躊躇未得往淚向南雲  
滿春風復無情吹我夢魂斷不見眼中人天長音  
信短

陽臺隔楚水春草生黃河相思無日夜浩蕩若流



波流波向海去欲見終無因遙將一點淚遠寄如花人

妾在春陵東君居漢江島日日采藤蕪上山成白道一爲雲雨別此地生秋草秋草秋蛾飛相思愁落暉何時一相見滅燭解羅衣

一本無此二句落  
單下有昔時攜手

去今日流淚歸遙知不  
得意玉筋點羅衣四句

長短春草綠綠階如有情卷施心獨苦抽却死還生觀物知妾意希君踵後庭閒時當采掇念此莫相輕

尊綺如玉霜翦題月氏書寄書白鸚鵡西海慰離

居行數雖不多字字有委曲天末如見之開緘淚  
相續千里若在眼萬里若在心今本作淚盡恨轉  
深千里同此心  
相思千萬里一書直千金

卷終